


36666

第十六册

卷十八

奏疏下

新修山東鹽法志



16996

山東鹽法志卷十八

奏疏下



乾隆元年八月王大臣奏大學士朱軾條奏鹽務一摺奉

硃批總理事務王大臣會同九卿議奏欽此欽遵該臣等會議得

大學士朱軾奏稱鹽政一事上關

國計下繫民生向來各處俱定有規條而法久弊生每滋紛

擾臣查出鹽之地有海有池有井而各省鹽法辦理不同

始或因地以制宜今當從長而定議去其弊則利自興便

於民始有補於

山東鹽法志

卷十八

奏疏下

國臣謹就平日見聞之所及酌目前因革之所宜敬抒管見

爲我

皇上陳之等因臣等按欵酌議恭呈

御覽一行鹽地方宜酌量變通也查各省不皆產鹽所以必藉商

人行運但卽以江南之鎮江等府而論與淮陽相去甚近

而向例必食浙鹽浙江路遠商運需費鹽價自貴而淮鹽

就近可得價亦甚賤捨賤買貴人情所難自應令各督撫

會同鹽臣斟酌變通如鎮江等府竟改行淮鹽其餘各省

似此者甚多如河南上蔡等縣本有河東之鹽而必銷淮

引湖廣巴東等縣逼近四川之界而必食淮鹽有一省而各府所食之鹽地方不同者有一府而各州縣所食之鹽地方不同者俱應就鹽地之遠近逐一查明盡爲改易則一變通於課毫無所損而民之受福者不少等語查先經總理事務王大臣等覆奏蘇州按察使郭朝鼎奏請將江蘇常州府所屬之靖江一邑仍循舊例聽其買食淮鹽案內議令該督撫會同兩淮兩浙鹽政詳酌妥議又經戶部議覆原署兵部侍郎王士俊以汝寧府所屬之上蔡等縣向食淮鹽價值甚貴奏請減價平賣案內議令河南巡撫

會同兩江總督兩淮鹽政秉公詳悉妥議等因各在案其湖廣巴東等縣向食淮鹽曾經原任川陝總督岳鍾琪原任四川驛傳鹽茶道曹源邠等屢次條奏楚屬附近川省之州縣改食川鹽戶部交與四川湖廣督撫及兩淮鹽政秉公詳議均以湖廣行銷淮鹽拾分之七每年額課約一百餘萬兩若川私透漏課帑恐有碍阻未會准行亦各在案今大學士朱軾奏稱湖廣巴東等縣改食川鹽與國課毫無所損而民之受福者不少等語應再行令四川湖廣督撫及兩淮鹽政將巴東等縣改食川鹽果否與

國課無損與民受福以及川私不致透漏貽誤淮課之處秉
公詳細妥議具題其上蔡等縣食鹽應於酌減鹽價案內
歸結鎮江等府可否改行淮鹽之處應令兩江總督蘇州
巡撫會同浙江巡撫兩淮鹽政於靖邑改食淮鹽案內一
併詳酌妥議其餘各省應如大學士朱軾所奏行令各該
督撫鹽政將可否就鹽地之遠近盡爲改易之處逐一查
明悉心妥議具題務期商民兩便永遠可行一各州縣銷
引宜通同計算也查商人行鹽各有地方州縣銷引原有
定額是以舊例不許越界買賣但犬牙相錯之地有此縣
村莊插入彼縣地界者就近買食官鹽卽爲犯禁查拿拘
繫徃徃不免而本縣所設鹽店或在數十里之外小民食
鹽無幾欲其捨鄰近易買之鹽而遠求於數十里之外此
必不可得之數也况水陸之裝運有難易鹽斤之積貯有
盈縮價之高下因之若必拘定所屬地界甚爲不便而愚
民之易至于犯禁令也必矣夫額定之引目原量煙戶之
多寡此縣之民買食彼縣之鹽則彼縣之引必不足而此
縣之引自有餘何不卽以有餘之引補充不足之數合總

計算自爾有盈無虧臣請

勅下各處督撫鹽政諸臣酌量地界相連之處或一府或數州縣合爲一局將所領鹽引通融行銷不拘商賈分地無論州邑界限聽商民就便交易庶引課民食兩有裨益等語查行鹽州縣係按地方之繁簡定額引之多寡其地之繁庶者銷售自易而地之簡僻者買賣稍難是以商人各有口岸毋許彼此侵越今若以地界相連之處合爲一局則誰肯舍繁而就簡趨難而避易勢必彼此紛爭商民均有未便且鹽法定例分地行銷按季銷引正所以杜奸商彼此串謀重復影射越境販私之弊今若各處通融行銷更與

山東鹽法志

卷十八 奏疏下

四

鹽法不符應將大學士朱軾所奏合爲一局並通融行銷之處毋庸議惟是本縣所設鹽店若遠至數十里之外則小民買食無幾誠恐不能捨近而就遠應令各該督撫鹽政逐一查明將此縣村莊插入彼縣地界處所如何設法可使民就便買食之處詳悉妥議具題一竈戶煎鹽宜令商人助其資本并酌定賣私治罪之例也查定例竈丁人等夾帶餘鹽出場及私煎貨賣者同私鹽法乃近來拿獲私販止據現獲之人問理並不根究竈戶不知私鹽皆竈戶所鬻若使場竈間無私出之鹽奸徒何從興販故欲杜

絕私梟必先清查場竈而欲絕場竈之私出又必先體恤其苦情凡竈戶資本多稱貸於商人至買鹽給價則權衡子母加倍扣除又勒令短價竈戶獲利無多鹽復有餘且恃私鹽事發罪亦不及是以敢於售私實由鹽商驅之而該管官縱之也臣以爲宜令商人認定竈戶酌給資本使得及時煎晒雖遇陰雨連綿鹽斤不致缺少於商人亦大有益其價值於掣鹽時該管官公同酌定寧有餘毋不足務使竈丁得沾利益庶日用有資而工本無缺然後嚴絕私售之弊而治之以法除老幼負擔四十斤以下許照例

賣給令鹽場大使驗明掛號准其出場並逐日報明分司此外人非老幼籍非本境鹽過四十斤以上者一概嚴行禁止煎出之鹽務令鹽商儘力多買或露積或貯倉大使逐一查明封識如有聽憑商人偷運及違例賣與梟販等弊將竈戶分別究治該管大使以縱容論罪再大使微員守法自愛者甚少應將分司丞倅移駐場所責令盤查如此則私弊可除竈丁亦不致受累等語查各處竈丁俱藉鹽價以資養贍誠不可扣尅短少但支給鹽價或由官給或由商支各自不同卽如兩廣竈晒鹽價係該管官按照

從前題定價值給發現據兩廣總督鄂彌達以竈晒鹽價不敷題請加價戶部現在議覆又河東鹽斤係由坐商自行澆晒雲南一省俱屬官辦並無商人均無庸置議外其餘各省鹽斤俱係商竈互相交易今大學士朱軾奏稱窮乏竈戶多有借貸商人資本至買鹽給價權衡子母加倍扣尅請令商人認定竈戶酌給資本儘力多買或露積或貯倉大使逐一封識如有聽商人偷運及違例賣與梟販等弊將竈戶分別究治分司丞倅移駐場竈監查等語查商人引目各有定額所買鹽斤均有定數今若令儘力多買則多買鹽斤無從配銷而商人資本有虧其分司丞倅原有稽查之責自應竭力禁緝若欲移近場竈稽察而場竈亦非一處仍未免顧此而失彼是責令商人儘力買鹽存積并分司等官移駐之處均毋庸議至窮乏竈戶或有借貸商本而於買鹽給價則權衡子母加倍扣尅窮竈誠屬難堪應如所奏行令各該督撫鹽政轉飭該管官於掣鹽時公同酌定價值公平交易無許扣尅短少務使窮竈得沾利益而竈戶售私律有明條誠恐日久法弛亦應如所奏行令各該督撫鹽政凡遇拿獲私販必根究其買自

何地賣自何人無使私鹽透漏以肅鹺政一附近出鹽地方鹽價宜減也查鹽自四十斤以內不在禁例而五十斤至一二百斤者俱在近地百里之內售賣食鹽之家每肩禁而買私鹽者不過以其價賤於官鹽耳與其嚴拿而滋擾不若平價以杜絕凡附近出鹽地方百里之內將官鹽價值減與私鹽之價相等則民間皆食官鹽私鹽不禁而自絕矣在商人於出鹽近地既少搬運盤駁之費鹽價自應酌減况食鹽地方遼濶此附近百里之內不過千百分之一何必定要昂價被奸徒販私原圖厚利卽照被減價亦可償本完課有餘何憚而不爲等語查私販之徒於場中買鹽惟藉其足力至市發賣若商運之鹽既有應完之引課又有應輸紙硃等項雜費卽使在附近場窰百里之內者雖搬運盤駁稍可減省而引課等費斷不能缺今欲令其與私鹽同價則商本勢必有虧况私鹽自應嚴禁未便任其販賣設私鹽不行禁絕僅將官鹽減價則私鹽相隨遞減是官終不能敵私應令該督撫鹽政飭令各商量本減價發賣并嚴飭文武官弁上緊巡查務令私鹽斂跡官引疏通則冒禁犯私之弊可不禁而自除一鹽引額設

多餘之處宜行酌減也竊

國家休養生息天下戶口誠日加繁庶然民間食鹽以家計之豐嗇爲多寡卽稍豐之家見鹽價騰貴亦必加意節省鹽斤所銷究不能多乃數十年來引目之數或議加於司鹺之員或請益於封疆之吏或據商人公呈或稱兆姓情願時有增益究之頻年壅滯照數繳完者甚少似宜令各該督撫逐一確查議減至於鹽規一項立法之初本無此名色緣行鹽利息饒餘各處不免餽送遂爾相沿成例近因各官俱有養廉此項久經禁革間有存充公用者雖係

山東鹽法志

卷十八 奏疏下

八

商人情願急公但恐各官非皆潔已之員舊規旣去或又巧爲生發商人照舊餽送無非出之於鹽則無非出之於民并懇

皇上勅下直省嚴行申禁其存充公用者亦酌量減免以裕商力

蓋徵商必先恤商恤商卽所以恤民等語查各處行銷鹽斤俱按戶口之繁簡定引目之多寡今增引州縣實因生齒日繁民食不敷遂增引以接濟者固多或司鹺等官以益賦爲能勉強請增者恐亦不免除雲南福建俱係按鹽行銷並無鹽引毋庸置議外其餘各處行引地方應如所

奉行令各督撫鹽政將應否裁減之處逐一確查斟酌辦理具題至鹽規一項先經總理事務王大臣等議覆陳世倌條奏鹽課額外之虛名宜停止一案內稱鹽規既已歸公止應如數完納豈得復於歸公之外勒索病商嗣後倘有不肖官員暗勒商人重出以飽私橐者許該商控告治罪至捐助一事欽奉

諭旨禁止嗣後鹽政等官倘有借名捐助而暗諭商總勒令公派

者該督撫卽將該鹽政等據實題奏等因覆准通行直省

一體遵照在案但恐不肖各官巧爲生發暗勒商人亦未

山東鹽法志

卷十八

奏疏下

九

可定應如所奏再行各該督撫鹽政嚴行申禁如有違誤卽行參究其存充公用者仍照總理事務王大臣等原議如數完納無庸紛更一商人宜加甄別并慎爲選擇也查運鹽辦課有本有利必身家殷實之人始能承辦無誤且知自愛不致生事而各處引名向來頂定有初本有餘而花銷敗落仍然爲商者亦有豪強棍徒欺壓霸佔者又有私相售賣頂名替充者或係赤手無籍之徒或係克棍不法之輩始則夾帶營私繼且窮奢極欲誤引虧課諸弊叢生欺官累民無惡不作此皆商中之敗類也宜令巡鹽等

官嚴行稽查并著衆商從公舉首逐一甄別慎選老成
厚之人情願承充者更立引名使之承辦仍不時教訓衆
商嚴加管束務令謹身節用盡去從前積習勉爲善類其
子弟俊秀者設立義學延師教授如此則商賈亦敦善行
而風俗益歸淳厚等語查商人認引行鹽有關

國課自宜老成富厚之人充當庶無貽誤是以各處充商戶
部必先取具該商身家殷實各商保結鹽道加具印結送
部方准承充定例遵行已久至初本有餘而花銷敗落仍
然充商者將來勢必有誤引課自應斥革而豪強霸佔并

私相售賣無籍之輩尤應嚴禁但各處商人甚多若必一
時甄別稽查恐有紛擾之累臣等酌議應令各該管鹽督
撫鹽政曉諭衆商如有前項情弊許其自退免其治罪倘
仍隱匿不報或被該管官察出或被旁人首告卽行嚴拿
按律究治仍不時教訓務令各商謹身節用毋致放逸一
鹽價宜公平酌量使商民兩無虧累也凡商賈貿易賤買
貴賣無過鹽斤總緣裝運遠涉旣多使費而鹽商糜費花
銷又復不貲皆取給於鹽此鹽價之所以日益增貴也每
見封疆大吏及巡鹽御史有庇護鹽商者任其高擡從不

過問而操守廉潔之員不收餽遺又或刻意核減至於已甚商人見定價太賤因而匿鹽閉市反致滋擾臣以爲應隨時酌定中平價值使買賣兩無虧累自然相安無事又商人行鹽多存貯省會其各處行銷係本地小商領單轉販運往城郭市鎮會總之處開鋪發行其各鄉村小店又從城市販往層層遞運費亦遞增而經過地方盤驗掛號使用尤多是以遠鄉鹽價較之發鹽之地往往加倍臣請

勅下督撫嚴行禁革如有借端需索者許販鹽之人據實控告審

明題參計賊治罪再鹽從省會遞運斷無夾帶私鹽之事

山東鹽法志

卷十八

奏疏下

十一

并飭免其盤驗以省守候之苦等語查鹽價高昂居民未免艱於買食鹽價太賤商人不無虧捐資本自必酌中定價使商民兩無虧累方爲盡善應如所奏行令各該督撫鹽政嚴飭地方官務將鹽價酌定中平毋得過爲增減至累商民至於鹽斤經過地方盤驗掛號陋規久經嚴禁但恐日久法弛不肖書役照舊勒索亦未可定應令各該督撫等嚴行禁革如有借端需索者許該販據實首告審實題參按賊治罪其經過地方盤驗所以稽查夾帶私鹽之法未便遽免惟合該督撫等嚴飭沿邊地方各官隨到隨

驗毋許藉詞留難致滋守候如有此等情弊卽行指明題
參尙該督撫等失於覺察事發之日一并交部議處一荒
僻鄉村宜擇良民領鹽零賣以便民食也查窮鄉僻壤難
於銷鹽之處從無開設鹽店窮苦小民經年食淡或煎熬
鹹土充食以致生病老人尤不能堪間有家道差足之人
從城市多買數斤攜歸途遇巡兵盤詰訛詐往往不免請
令有司於荒僻村莊擇一謹厚良民給以小票令其領鹽
零賣賣完繳價又復發給如此則衰老窮民得以就近零
星買食而於鹽斤之行銷亦不無少補等語查行銷鹽斤
俱以部頒引目爲憑今於荒僻村莊若令有司給一小票
隨可賣鹽則無藉於部頒引目揆之定制旣屬未宜且蔓
延各處勢必致於官私莫辨其弊尤難究詰惟是窮鄉僻
壤食鹽斷不可缺其如何設法銷賣可使居民便於買食
之處應請一併交與各該督撫鹽政悉心妥議具題奉

硃批依議欽此

乾隆二年九月巡鹽御史準泰奏稱山東通省民丁應納

丁賦自攤入民地以來輿情甚便惟竈戶丁銀一項雖經

前任鹽臣莽鵠立於雍正三年題請將額徵竈戶丁銀陸

千餘兩內以一半丁銀三千餘兩攤入竈地及民佃竈地之內徵收尙存一半丁銀三千餘兩按實在竈丁均派攤徵嗣於雍正十二年復經前任鹽臣鄂禮以現徵竈戶一半丁銀尙多逋欠逃避請全攤竈地完納以甦竈困等因具題奉部駁若照民丁一例攤派於地不惟地畝加增太重亦恐竈戶脫然他徙應毋庸議等因在案臣伏查海濱竈戶俱以煎晒傭工爲業今雖止徵一半丁銀每丁尙應徵銀一錢四分五釐有零在有地之竈丁固有餘力而無地之貧竈實屬艱難故一經催徵仍多逃避遠颺欠課累官等弊是欲制竈丁之不遠徙誠不在存留一半丁銀況東省之永利等十場竈地及歷城等四十四州縣民佃竈地內并將尙存一半丁銀攤入每畝不過增銀二釐有零較之東省民地中則尙輕數倍是計畝核算亦不致加增太重臣前赴山東稱掣鹽斤確訪輿論並據該運使楊宏俊面稟貧竈拮据情形所見相同請將現徵竈戶一半丁銀三千一百八十八兩零循照民戶丁銀之例全攤各場竈地及民佃竈地之內徵收在富竈增納毫釐輸將甚易而貧竈脫然無累惟事煎晒傭工自不肯棄業遠徙實於

課竈均有裨益倘蒙

諭允除竈丁仍遵照定例五年一次編審具題外將現在竈地每畝應攤丁銀細數另造清冊送部查核部議查從前攤入各場地畝內徵收一半竈丁銀兩之案係該鹽政會同山東巡撫核議具題今該鹽政並未會奏其攤入各場地畝內徵收每畝果否不過增銀二釐有零有地竈戶不致加增太重拖欠錢糧無地貧竈不致脫然他徒有誤煎晒之處應令該鹽政準奏會同山東巡撫詳悉妥議具題到日再議奉

山東鹽法志

卷十八

奏疏下

十四

旨依議欽此

乾隆二年十月巡鹽御史準泰題稱山東永利等十場竈戶業於雍正三年經前鹽臣莽鵠立將一半丁銀三千餘兩題請攤入竈地及民佃竈地之內徵收尙存一半丁銀三千餘兩前臣請循照民戶丁銀全攤民地之例全行攤入竈地具奏經戶部議令會同山東巡撫具題等因到臣臣查濱海窮竈以煎晒傭工爲業今雖止徵一半丁銀每丁尙應納銀一錢四分五釐零在有地之竈家業寬裕固不難急公輸納而赤貧竈戶身無寸土每年輸納丁銀實

多艱苦任其延挨則多逋欠嚴行催比每致遠颺查各屬
竈地及民佃竈地等項錢糧共銀八千五百二十三兩零
今若再將一半丁銀全攤地畝除民佃竈地銀兩並原額
新墾灘池等項應照從前加攤一半丁銀之例按銀加攤
外所有應攤各場竈地銀兩按畝均攤計各場竈地共六
千七百四十七頃二十畝零計原額並先經加攤一半丁
銀每畝現徵銀八釐二毫零今再將一半丁銀照舊例計
畝均攤每竈地一畝實止增銀二釐二毫零統計連前每
畝共應徵銀一分四毫零在有地之家卽有產息每畝添

山東鹽法志

卷十八

奏疏下

五

納不過釐毫有地竈戶必不因此釐毫之增以致拖欠錢
糧更無疑義至無地竈戶率多自食其力既無積蓄實苦
輸將是以每屆催徵不無逃避今將一半丁銀全攤地畝
則東省竈戶永免追呼共安生業自不肯輕去其鄉况仍
照舊例五年一次編審有除有補按冊可稽又必不致脫
然遠徙有誤煎晒是竈戶一半丁銀全攤竈地徵收實於
竈務大有裨益如蒙

俞允另將應攤細數送部查核臣會同山東巡撫悉心籌畫所見

相同合詞具題經部如議覆奏奉

旨依議欽此

乾隆二年十一月戶部奏稱原任大學士朱軾條奏鹽務各款先經總理事務王大臣會同九卿議覆行令各該督撫鹽政詳悉妥議具題去後今據長蘆鹽政準泰會同山東巡撫詳議具題前來奉

旨該部議奏欽此欽遵臣等分款核議恭呈

御覽一疏稱竈戶煎鹽宜令商人助其資本等四款應遵照定議奉行毋庸置議等語應令該鹽政準泰等將各款奉行事宜逐一分晰咨報臣部查核一疏稱行鹽地方宜酌量變

山東鹽法志

卷十八

奏疏下

六

通一欸查東省地方半臨海濱原係產鹽之地設有永利等十場其行運鹽斤原按各場出鹽之多寡量州縣離場之遠近酌定春配並無捨近就遠之處如東省行引之歷城等五十一州縣衛及河南之商邱等九州縣並江南之銅山等六州縣例赴永阜場春運雖各離場三五百里或七八百里及千餘里不等然較之他省產鹽之地實不如永阜場之爲近便且水陸皆便商民相安已久從無誤運淡食之虞其行票之章邱等五十七州縣俱係附近灘場春運適宜並無不便雖沂州府屬配運濤濤雜場鹽之蘭山

鄒城二縣與江南之贛榆灘場道里稍近然濤維一場歲產鹽斤足供配運若以蘭鄒二縣之票改配贛榆灘鹽不但隔省難以稽查且濤維鹽斤勢必壅積有誤竈課應請照舊行運毋庸改易等語查產鹽地方遠近不同自應因地制宜酌量變通以便民食今山東運司所轄行引行票各該州縣既經商民相安並無不便應毋庸議又蘭山鄒城二縣配運濤維鹽斤遵行已久今若改配江南之贛榆灘鹽則該場鹽斤勢必壅積有誤竈課深爲未便應如該

鹽政等所題仍照舊例遵行毋庸更張一疏稱各州縣銷

引宜通同計算一欸查登萊青三府所屬之蓬萊等一十六州縣及改設之海陽榮城二縣地處海隅灘鍋星列課銀攤入地畝鹽斤聽民散賣並無買食不便之處至商運州縣各有疆界歲銷引票俱有定額雖有犬牙相錯之處而各食各鹽難容攙越今若不拘地界通融行銷非特無以杜奸商串謀影射之弊而私梟乘機充斥亦甚難於稽察殊多未便應請嗣後凡有此縣村莊插入彼縣地界或彼縣鹽店遠在數十里之外小民不能就便買食者令各州縣查明地界凡有犬牙相錯之處配量道里遠近令商

設店開賣以便民食該地方官仍不時查察倘不肖奸商借詞擡價或於邊界之處多設店口希圖侵發外境等弊卽嚴拿從重究治如此則小民旣得就近買鹽不致違禁犯科而商得多銷廣售亦不致浸灌壅積等語查登萊青三府所屬之蓬萊等州縣先經鹽政鄭禪寶以該州縣並無商運將鹽課銀兩題准攤入地畝內徵收所產鹽斤聽民散賣在案應毋庸議其商運地方應令該鹽政等飭令各該州縣查明地界凡有犬牙相錯小民不便買食之處酌量道里遠近令商人設店開賣以便民食仍將設店緣

由咨明臣部查核並不時查察倘有不肖奸商借詞高擡鹽價及邊界之處多設店口希圖侵發外境等弊卽行嚴拿按律治罪一疏稱鹽引額設多餘之處宜行酌減一欸內除鹽規一項應嚴行申禁不得復於歸公之外勒索病商並借名捐助外其鹽引應否裁減之處查東運引票共計七十二萬餘道而各州縣之請領運銷原按戶口之繁簡定引日之多寡固不可多餘累商賠課尤不當短少致民淡食邇年以來年銷年額並無壅積况我

國家深仁厚澤惠養元元生齒日繁額定之引日尙恐不敷

各商連名呈請於額引五十萬道之外增引五萬道存貯
運庫於秋成後如有不敷之處請領運銷接濟民食在案
是東省引票共七十七萬餘道並無額設多餘之處惟內
有德州額引四千四百八十二道德州衛額引二千八十
四道雖據該州衛詳稱頻年督銷不無竭蹶德州請減引
七十二道德州衛請減引三十二道查該州衛當運河之
衝人煙輻輳之所銷鹽最易所以該州衛商人楊作舟李
增泰等恐額引不敷連名具呈亟亟請增以備接濟額引

非多餘可知應令該州衛照舊領運實力督銷加意稽察

私鹽更嚴查糧船夾帶官鹽自易於行銷不得遽議裁減
致滋不敷有誤民食等語查各處額引俱按戶口之繁簡
斟酌派定自無多寡之虞况山東行鹽地方前據該鹽政
等以額引不敷民食題請於額引之外增引五萬道接濟
民食經臣部覆准在案今東省引票該鹽政準泰等既稱
並無額設多餘之處應毋庸議其德州並德州衛商人既
請增引以備接濟則額引並非多餘應令該鹽政等嚴飭
該州衛照舊領運實力督銷如有未完卽按照未完分數
參處至鹽規并捐助名色久經禁革但恐日久廢弛應令

不時查察如有不肖官吏暗勒派捐等弊卽行題參究處
一疏稱荒僻鄉村宜擇良民領鹽零賣以便民食一欵查
窮鄉僻壤離城雖遠其所買用者應不止食鹽况東省土
俗無論城關市鎮卽荒僻鄉村小民俱於適中之地設有
集場每逢集期遠近鄉民咸往交易而商人亦俱按集鎮
大小人煙多寡或開設鹽店或逢集運銷在荒僻鄉村之
窮民自可甚便買食且犬牙相錯之地及鹽店寫遠不能
就近買食之處現在行令地方官酌量道里遠近設店開
賣以便民食毋庸別爲設法致滋弊竇等語查荒僻鄉村
俱於適中之地設有場集居民既可就近買食其犬牙相
錯不便買食之處又據該鹽政等於本案內議令商人設
店開賣濟民食業經臣部議覆此欵毋庸再議奉

旨依議欽此

山東鹽法志

卷十八

奏疏下

五

乾隆五年五月巡鹽御史伊拉齊疏稱東運行銷票鹽地
方共五十七州縣額設票引一十七萬一千七百四十張
前於雍正八年間經前鹽臣鄭禪寶將逼近海濱之蓬萊
等十六州縣票課題請攤入地畝徵收鹽斤聽民散賣外
其商運州縣俱一例築包並請於額票之外每年頒發餘

票五萬道遇有額票不敷之處請領銷賣以濟民食等因奉部覆准遵行在案今據護理山東運使馬兆登詳稱屢年以來生齒日繁食鹽日增又兼私鹽漸絕是以餘票五萬張每年全數領銷運完今春雨澤普被二麥秋成有望將來票鹽自不敷民食茲票商張長興等請於餘票五萬道之外再請額餘票一萬張以備接濟除乾隆五年分額餘票引已經額請貯庫領發運銷外應詳請核題再請餘票一萬張自乾隆五年爲始照餘票五萬道之例頒發貯庫以備接濟按年奏銷報部查核等情臣覆核無異理合

山東鹽法志

卷十八

奏疏下

五

具題下部議行

乾隆十七年九月巡鹽御史吉慶奏稱竊設官分職各有專司駐劄得宜方足以資控制查山東運同一缺從前駐劄蒲臺縣因介於濱州樂陵之間故名爲濱樂分司現轄蒲臺一所永利等五場運判一缺從前駐劄膠州係萊州府所屬因名曰膠萊分司現轄維口一所西繇等五場茲臣巡視山東鹽務見運同運判皆聚於濟南與運司同駐省內雖於春秋二季各至所屬場分查察然一歲二至終屬鞭長莫及究其移駐省城始自何時已無案冊可考迄

今省城衙署久已坍塌均屬商爲捐資僦賃民房居住既於體制不符又於場竈多所未便臣愚以爲濱樂膠萊二分司均宜仍循舊制各歸各所請令濱樂分司運同仍駐蒲臺縣膠萊分司運判仍駐膠州各該處俱有舊址可以建造衙署其工料費用不過數年貨房之資便足修葺衙署一成永省商捐租費商甚樂從無須動支公帑臣商之運使吳士功意見相同卽詢之分司大使商衆咸曰允宜雖復舊而非創建但二分司在省因循已久臣未敢擅便理合奏明倘蒙

山東鹽法志

卷十八

奏疏下

三

聖恩俞允則不獨設官分職之義相符有益於海濱商竈亦與各省分司駐劄之規制同歸畫一矣奉

殊批如所請行欽此

乾隆二十五年巡鹽御史官著奏稱蘆東引課錢糧定例於每年五月內奏銷各商完納未敢遲逾惟是商力不齊貧乏者固已拮据卽稍裕之家每屆奏限亦費周章臣留心體察蓋商力之裕全在銷鹽而一年盛銷之時惟藉六月之醬鹽九月之菜鹽乃皆在五月奏銷之後且直東冬月河凍較早撥運銷售亦不能如南省之源源不匱故每

年成本未歸而課限已屆多係重利措借以應急需若不
早爲籌辦恐年積月累逋負漸多致有日就疲耗之勢是
以歷任直東運使訪悉商情無不以另定奏限爲請者臣
因係定制攸關未便輕議更張茲復據運使王圖炯胡寶
琳等面爲稟商臣查五月所徵鹽課於十一月內始行解
部若將奏銷改至十月舉行計所寬之期總在解部之前
而各商完課已在醬鹽菜鹽全銷之後成本既收輸納充
裕無須催比其重利措借完課之累可以永免而十月內
完課卽於十一月解部仍屬年清年欸於卹商裕課之道

山東鹽法志

卷十八

奏疏下

三

實有神益奉

殊批著照所請行該部知道欽此

乾隆三十年十月巡鹽御史高誠奏稱據商人周震查奕
茂等呈稱山東行銷票鹽地方原設額票一十七萬一千
七百四十道前於雍正八年乾隆五六等年陸續請增餘
票六萬六千五百道每年所領額餘各票僅敷按年銷售
現今私梟歛跡各處鹽斤日加暢銷理合呈請每年再增
餘票一萬五千道俾資接濟其所銷之票按數納課如有
餘剩照例繳部等情當經批發山東運使確查詳覆去後

茲據該運使張鈞詳稱山東濱海地方行銷票鹽之海豐
霑化等州縣現今私梟歛跡官鹽暢銷所有該商等請增
餘票一萬五千道委係按照地方情形豫籌接濟詳請核
奏前來臣伏查食鹽爲小民日用所必需今山東濱海各
票地鹽斤日加暢銷若不酌請餘票誠恐將來不敷接濟
應如該商等所請再增餘票一萬五千道請以本年請領
丙戌綱票引爲始每年隨同額餘票引領貯運庫聽商儘
數銷儘報庶於

國課民食均有裨益理合恭摺具奏等因經部查照歷次舊
山東鹽法志

卷十八

奏疏下

五

案議准覆奏奉

旨知道了欽此

乾隆三十五年三月巡鹽御史李質穎奏稱竊臣於上年
十一月到任適當奏銷鹽課之時見各商完納遲滯嚴催
督責究有未完之商經臣參奏在案迨十二月內應完各
項借帑運使竭力追比迄今尚未全清而三十三年欠課
黜革之商引地虛懸一載召募無人頂補至現在辦運商
人內亦多有具呈求退者臣初尙疑其疲玩性成心存規
避屢經嚴行督飭迄今數月之久明查暗訪乃知各商實

因力絀並非有意玩違伏思乾隆二十九年長蘆商衆因繩索蓆片車船飯食等費無不加昂而鹽價仍然如舊是以商力漸困仰蒙

天恩勅議每觔增錢一文以敷商本今不過五六年之間何以復

形竭蹙揆厥所由實緣錢價甚平之故查錢文價值從前

紋銀一兩換制錢八百文近年紋銀一兩換制錢九百八

九十文至一千一二十文不等是從前賣鹽千文值銀一

兩二錢五分今賣鹽千文止值銀一兩蘆商鹽價係奏定

錢文數目不能因錢價之減私自加增而帑課等項則須

山東鹽法志

卷十八 奏疏下

五

將錢易銀交納一出入以今較昔每鹽一引虧本七錢

有餘合零聚躉數且不貲是以三四年來俱形消乏伏查

長蘆每年應完課銀七十餘萬兩各商所借帑項一百六

十萬兩有奇而范清濟王至德所欠一百二十餘萬兩尚

不在此數若不早爲調劑則商人之虧折日深馴至本竭

財空課懸帑欠縱將各商治罪於事何補臣詳悉熟籌惟

有仰懇

天恩於現行鹽價之外每觔酌增錢一文以補其錢價之不足則

商本無虧庶帑課不至於竭蹶夫高價病民固屬不可然

虧本累商亦非經久之法且商力既竭民食何依今臣所請增之二文乃因錢價十文之中較前年賤二文之故設以銀合算今之十二文值銀一分二釐尚不及前年十文值銀一分二釐五毫之數並非額外加增况一人食鹽二月不過半筋多用錢一文於民並無所累至於山東商眾前據已革運使張逢堯具稟東省鹽價自康熙二十年核定之後從未加增現在需用包皮繩蓆舟車運脚無一不比前昂貴兼之錢價大減商力難支亟應補救等語臣近又面詢署運使汪圻據陳情節與張逢堯所稟無異查該省鹽價自議定至今已閱八十餘年今昔異宜誠難責其仍循舊轍且錢文價值與長蘆各屬大率相同商本自多虧累合無仰懇

聖恩一併每筋加價二文則辦納引課運銷鹽筋商無虧本之慮民無茹淡之虞其沐

皇仁靡既下部議行

乾隆四十一年十一月山東巡撫楊景素奏稱青州府屬之樂安縣地處濱海為濟青二府各河入海之區境內有石村一湖周圍四十餘里受上游麻大湖會成泊之水滙

成巨浸全賴小清河引水歸海查小清河昔年故道自石村湖引水東流至侯家倉頭地方卽折而北注至宋家屋莊歸入支脈溝由淄河入海自侯家倉頭至宋家屋莊俱身長二十四里兩岸民竈雜處計河東十莊河西八莊俱借河水以灌園種地頗資利賴嗣因小清河漲漫難消而侯家倉頭與淄河相近因卽於侯家倉頭起至淄河止另挑直河八里使小清河之水得以向東直達淄河名爲倉頭溝較之二十四里舊河實覺直捷復恐水勢往東直瀉不能分入舊河致失民利乾隆四年間經前撫臣詳細奏

明動帑卽在侯家倉頭地方建立石閘一座水大則啟板洩水使小清河直達淄河水小則下板抑水使小清河水納入舊河歸支脈溝入海從此舊河南岸村莊得蓄甜水以利民用民竈俱極歡悅茲因年久閘壞小清河水向東直瀉不能分入舊河以致二十四里之故道淤塞不得分涓滴之流以資民用是以農圃不能灌溉且地近斥鹵挖井取泉俱屬苦水民間飲酌欲得杯勺甘泉須挹取於十餘里之外深以爲苦本年九月間據布政使國泰轉據樂安縣知縣饒凱王家岡場大使李卿雲等稟請修閘挑河

以復舊規經臣飭委道府分司會同勘明由布政使議請
照舊修復到臣臣於閱兵之便親赴該處查勘據舊河兩
岸各莊人民籲懇照舊修復並稱屢年以來秋收豐稔口
糧充裕情願各出夫力分段挑河使清水分入舊河永資
民利惟聞座非民力能修懇請官爲修辦等情臣察看該
處土性並無砂石照舊開挑民力能辦且河身止二十四
里按沿河村莊之大小以定工段之短長每莊不過挑河
一里餘事既不勞民情更爲踴躍惟石閘一座必須官爲經理
臣委員佑計除創用舊石外尙需修閘工料銀八百兩仰懇
聖恩俯准動用司庫充公銀兩修理俱於來歲春融官辦閘座民
辦挑河數十日可以完竣務使工程堅固河道深通俾民
竈十八村莊俱得種地灌園永免吸飲鹹水之苦等因奉

硃批知道了欽此

乾隆四十六年九月巡鹽御史伊齡阿奏稱據山東運使
錦格詳稱本年除領額引五十萬道又隨正領過餘引五
萬道已據各商領運將竣本年行鹽引地多係豐收銷售
甚暢若不預爲籌備誠恐民食有缺應請再領餘引六萬
道以敷配運等情臣檢查舊案山東向無續領餘引之例

當經批令該運使詳細確查是否口岸暢銷不敷配運情形據實詳報去後茲臣於十九日抵濟南省城復據該運使以本年春間雨水調勻引地實係收成豐稔且值閏月卽已多銷一月之鹽額引現在不敷必需再領餘引以濟民食如有餘剩照數繳銷等情具詳前來並據該引商李昌寧等面稟懇請調劑酌辦等語臣伏查長蘆行鹽地方如遇額引不敷節經奏蒙

聖恩給領餘引濟運商民稱便共沐

皇仁今該運使查明山東引地暢銷請領餘引接濟與長蘆事同

山東鹽法志

卷十八

奏疏下

完

一例合無仰懇

皇上天恩俯准再領餘引六萬道給商艘運如有餘剩亦照長蘆之例繳部查銷庶於

國課民食兩有裨益部議查鹽筋原藉引目疏銷而引目多銷於課項民食均有裨益應如該鹽政所奏准其再領餘引六萬道收貯運庫派給通綱商人儘數行銷仍附入奏銷冊內聲明報部倘有餘剩亦應准其照長蘆之例解部查銷

乾隆四十七年十一月巡鹽御史徵瑞奏稱竊照山東行

銷引票各商向與長蘆事同一例蘆商成本日重商力不
支先經臣據實奏明業蒙

聖主恩准加價在案當因未悉東省情形是以不敢冒昧聲請嗣
臣前赴山東查勘各場被潮輕重并赴坨稱掣鹽包留心
體察據山東運司錦格以各商自三十五年定價以後迄
今百物昂貴行鹽需費一切車船腳價捆包繩蓆等項無
不因時倍增計每引較前多耗銀六七錢不等及運至應
銷地方價有一定不能私爲增減實屬成本有虧商力拮
据懇請援照長蘆之例俾下情得以上達等情具稟前來
山東鹽法志

卷十八 奏疏下

三

臣查東省各商每名下不過數百引至于千餘引而止戶零
人衆從前尙俱轉輸自如近年以來每逢告運納課之期
必嚴爲督催至於敲扑比追屢形竭壓則商力之不支已
有明驗其所稱車船腳價捆包繩蓆等項每引較前多耗
銀六七錢就近確訪實與長蘆同此情形當與撫臣明興
面爲商酌意見相同嗣臣回津後又復詳細察訪切以東
商運本日增爲累亦非一日

國課民食攸關亟須調劑且蘆東壤地相接彼此鹽價參差
轉恐啟透漏擁遏之弊有碍行銷自應推廣

皇仁一併據實陳奏合無仰懇

聖慈俯准東省引票各商一體照長蘆之例於現行鹽價之外每
筋加增制錢三文以紓商力查山東現行鹽價引地每筋
制錢自十文至十八文不等票地每筋制錢自五文至十
四文不等今請每筋加價三文統計賣鹽價值與運鹽成
本適屬相符而行運有資東省商人亦共沐

恩施於無既矣

乾隆五十三年八月巡鹽御史穆騰額奏稱竊照蘆東各

商疊蒙

山東鹽法志

卷十八

奏疏下

三

皇上借帑緩徵逾格

恩施至爲優渥商人感深淪浹一切營運生計皆在

鴻慈帖帛之中復何敢妄生冀倖第現在虧折情形有不得不據

實陳奏者查商人運鹽成木輸納課帑均賴各引地銷鹽
價值而行銷鹽價俱係錢文必得以錢易銀方可資辦運
交納之用從前每銀一兩止需制錢八九百文迄乾隆五
十一年間約需制錢一千文商衆已苦賠折至上年奏銷
時各處錢價每易銀一兩竟需制錢一千一百餘文不等
伏思錢價平減於民間自屬有益而各商行辦引地所有

運脚等費近因百物昂貴成本業已倍增更兼錢價日賤較之五十一年每引虧折銀五六錢統計長蘆正引餘引共一百餘萬道每年約虧折銀五六十萬兩東省引票共七十餘萬道每年約虧折銀二十餘萬兩俱經訪查確實竊思商人資本微薄重以錢價賠折益就消耗若非設法調劑自此年復一年必至積虧愈多貽誤帑課靡所底止且一任商力消乏領運不前恐商有難支之勢卽民有淡食之虞於閭閻亦不無妨碍前鹽政徵瑞於四十七年奏准加增鹽價二文乃近年以來錢價情形比前迥異所增鹽價抵補易銀之虧尙屬不敷合無仰懇

山東鹽法志

卷十八 奏疏下

五

天恩俯准於現行鹽價之外量與加增以資行運查蘆東兩處除天津地方係衆商公共口岸例免餘引課銀向不加價外其各處現在通行鹽價直隸各州縣每斤制錢自十文至十八文不等河南各州縣自十五文至二十一文不等山東引地自十二文至二十文不等票地自七文至十六文不等今請每斤各加制錢二文庶轉運得以寬紓而帑課可無虧缺在民間日用每人日食鹽三錢數口之家月食鹽二三十斤以一家計之每月多錢五六文以一口計之每

月不及一文所增無幾當此錢價平賤之時計銀一兩比較前仍可多換制錢一百餘文雖鹽價稍增核其日用之費較前仍有贏餘不致爲累並請俟錢價稍貴之時卽將所加鹽價奏請停止下部議行

乾隆五十五年三月山東巡撫覺羅長麟奏稱竊查州縣各官辦理地方事務不惟查拿匪類戢盜捕亡攸關緊要卽徵納錢糧一切包漕包糧等弊亦宜亟切剔除不容稍事顛預擾民滋事是全在所屬村莊形勢聯絡疆域釐清俾州縣各官耳目能周斯察稽始易爲力臣查東省所屬

山東鹽法志

卷十八 奏疏下

三

各州縣多有孤懸村莊四圍皆鄰縣地方僅有糧地數頃村莊數處孤懸其內距本縣甚遠距鄰縣轉近如兗州府壽張縣境內有鄒縣所轄之李家集距鄒縣三百五十里距壽張縣五十里嶧縣境內有蘭山縣所轄之馬蘭屯距蘭山縣一百八十里距嶧縣四十里又如武定府海豐縣境內有田家莊高家莊二處皆直隸省鹽山縣所轄距鹽山縣一百餘里距海豐縣八十里又海豐縣境內有譚家莊一處係直隸省滄州所轄距滄州二百五十里距海豐縣七十里其餘各屬似此孤懸村莊共計四十二處遇有

兇匪盜賊等事不惟報案差緝往返需時此等匪徒一經
避入鄰莊本縣差役卽不得越境拘拿勢須回至本縣移
明鄰縣添差協緝方爲合例而輾轉稽遲兇盜早經逃竄
至徵納錢糧彼零星小戶應納之數原屬無多其往返盤
費轉致浮於正額小民憚於跋涉以致地方匪徒及生監
人等乘機包攬或多索擾民或侵蝕虧帑一經州縣嚴催
卽欲捏詞上控計圖延欠種種弊端尤宜亟爲清理臣愚
昧之見應請將此等孤懸村莊一概就近改撥如壽張縣
境內之鄒縣李家集卽歸壽張縣管轄直隸鹽山縣之田
家莊高家莊暨滄州之譚家莊卽改歸山東海豐縣管轄
一轉移間各屬村莊形勢皆得聯絡差緝催呼全無掣肘
彼兇盜匪徒無從竄匿卽包漕包糧之輩亦無所用其伎
倆於地方實爲有裨臣謹將各屬孤懸村莊及相距里數
繪圖貼說恭呈

御覽伏候

聖明指示再直隸省鹽山縣之田家莊高家莊多係竈戶其竈課

錢糧向由天津運使徵納今旣將此二莊改歸山東省管轄其應徵竈課亦請改歸山東運使徵解俾就近催科以

歸簡易奉

硃批此奏是著軍機大臣速議准行欽此

乾隆五十八年五月巡鹽御史徵瑞奏稱竊照山東商鹽自場春配赴所掣驗行銷各引地陸運爲多惟運往江南河南各州縣之鹽均需船隻裝載由鹽河入運河道里綿長從前原有商人自造船隻因年久虧廢商力不能再造遂俱僱用民船每當秋關趕運之時正值各州縣兌撥漕

糧之際交相雇船商鹽不無守候兼有客販裝載糧食貨

物船戶藉口居奇商運更艱於雇覓臣前在長蘆熟知東

山東鹽法志

卷十八 奏疏下

三

商水運維艱亦經議及仍照從前令該商自造船隻祇因

限於商力未克舉行茲據山東運司丁楷詳據商人江平

慶等呈稱商等歷年僱用民船既糜腳費又多稽阻今擬

自造船一百九十隻安備在鹽河運河以資裝運確估工

料銀四萬三千兩懇於運庫暫爲借用卽在沿河水次購

料排造其借項請於乾隆五十九六十年內隨引完繳

歸欸等情具詳前來臣查東省民船本少裝糧裝貨與裝

鹽同時並雇自必脚價倍昂如商人自造船隻則裝運隨

時利便良多惟是東商貲本微薄必得通融借項方能興

工亦屬實在情形合無仰懇

聖恩俯准於運庫存銀內

賞借銀四萬三千兩俾得及時排造所借銀兩分作二年完繳如

蒙

俞允臣行知山東運司查照應造船一百九十隻每船所估銀數

取具各商領限各結發給銀兩聽該商自行妥爲成造卽

飭山東運司就近督察務使板片純厚多用釘鋸工料堅

固並飭該商按年修脩以期永久其借項定限兩年內隨

引繳還歸欵造竣之日將此項船隻由該運司編列字號

山東鹽法志

卷十八

奏疏下

姜

冊報鹽政咨明地方衙門不得封雇如此則鹽運自有船

隻而民船不能居竒運糧運貨尤覺省便不獨利商於軍

民實有裨益等因下部議行

乾隆五十九年十一月巡鹽御史徵瑞奏稱竊照蘆東商

力素稱微薄疊蒙

皇上施恩沛澤衆商莫不感戴

深仁自宜營運寬紓日有起色而臣自上年到任後察看情形轉

運彌覺周章辦課時形竭蹶屢經詳切訪詢據該商等僉

稱蘆東每年交納正雜錢糧帶徵緩課以及帑本帑利等

項需銀數百萬兩以賣鹽之錢易銀完交賠折過多以此商本日就短絀力有難支等語臣復詰其因何賠折之故據稱商等認地行鹽定價賣錢必須向市肆易換銀兩一州一邑銀鋪無多近年遂有市儉將銀囤積居竒明知商等應完帑課之時故昂其值以跌錢價若不與之交易既無別鋪可換若將錢捆載遠行又脚價不貲勢不得不隱忍吃虧所以連年賠折等語臣博訪商情所言實無支飾惟因彼時市集錢價甚賤勢難專事恤商是以未敢具奏現在各省錢法仰蒙

山東鹽法志

卷十八

奏疏下

七

皇上俯鑒下情停止鼓鑄查繳小錢並將兵餉滿支銀兩錢價自必日漸增長若不及此時將蘆東行銷賣錢量爲變通酌中更定則不獨商情偏絀辦課得有藉詞且恐商力實有不支勢必帑課民食均致貽誤所關匪淺節據蘆東兩運司稟請酌劑前來臣查各省鹽劬價值如兩廣雲南湖廣江西等省例俱賣銀河南一省食四省之鹽現今銷兩淮之引地每劬以銀定價卽行銷山西之鹽向亦定價用銀惟蘆東引鹽專用錢文是此一省中銷售鹽劬銀錢本屬

互異臣愚昧之見合無仰懇

聖恩俯准將蘆東鹽價援照各省之例一體改爲賣銀查現行鹽價長蘆每觔自十二文至二十三文不等山東每觔自十一文至二十四文不等除天津公口岸仍照舊辦理外應請照戶部制錢十文作銀一分定例將鹽價十二文者作爲紋銀一分二釐二十四文者作爲紋銀二分四釐餘俱照此遞改並請與民交易遇有整包發賣携銀來售者卽以銀交易其零星買食需用錢文者統照市價隨時合銀作算用銀用錢仍聽商民兩便市中銀錢長落人所共知照各省現行成規畫一辦理臣仍督同運司等隨時查察毋許稍有逾於定價之外至將來錢價增長銀隨時值亦並無偏輕偏重之殊如此變通民間食鹽價值並無增減而商免市儉居奇易銀虧本之累實爲兩得其平如蒙俞允從此蘆東商本保全交裕完課永遠可期無誤皆沐聖主浩蕩鴻慈矣臣詳細體察不得不爲調劑曾與直隸總督臣梁肯堂山東巡撫臣福寧札商意見相同謹合詞恭摺具

奏奉

硃批此奏似有所見該部議奏欽此

乾隆五十九年十二月大學士公阿桂等奏稱本月初一

日梁肯堂覆奏長蘆鹽價請暫收賣銀一摺奉

殊批該部議奏欽此復欽奉

上諭梁肯堂覆奏蘆東鹽價改爲賣銀酌籌辦理情形一摺據稱初接徵瑞札商之時亦以改賣銀兩商人獲利浮多未免病民曾經詳晰咨詢嗣准徵瑞札覆以商人應交正課外尙有雜課餘引帑利運費等項核計商人賠折實須一百餘萬兩等語此論不通蘆東商人因現在錢價較賤易銀交課不無賠折商力難支設以商之正課而論或量爲變通俾得營運有資不致虧本其事尙可准行若以內府帑利而論則是商人應交內府借

山東鹽法志

卷十八

奏疏下

三九

項與民無涉朕惠愛黎元屢次蠲租貸賦不惜帑金億千萬兩豈肯爲商人應交內府些須帑利轉將鹽價加增致民受困之理其事斷難准行況此項帑銀原係該商等自行懇請借給者並非官派其借出於商人勉強也且帑利祇係一分起息爲數甚輕若商人等於民間自行借貸焉得如此輕息是商人已受其利矣况從前借給時本係銀兩並非錢文此時何以易銀耗折牽合藉口現在錢價雖賤然從前商人領帑之時據稱紋銀一兩可易錢八九百文以此核算則該商等彼時自得利已多且官借帑項爲日已久節經加恩帶緩卽就帑利言之其所

稱每年交納數目亦不應至如許之多是梁肯堂並未深悉原委祇據徵瑞一面之辭代爲附和著傳諭徵瑞將應交課帑及帑利各項實數清冊帶同經手總商數人親自來京聽候軍機大臣會同核辦將此諭徵瑞卽令其速來並諭梁肯堂知之若梁肯堂現無要事卽來同議更好欽此茲據該鹽政徵瑞帶同經手總商等到京並將蘆東每年應交各項條款數目清冊齎送前來臣等按冊開各款與戶部內務府底案逐一查核俱尙符合查蘆東運銷引鹽該商人等節年請借帑本至數百萬兩沾潤已多卽偶遇偏灾稍款復荷

山東鹽法志

卷十八 奏疏下

四

恩慈優渥緩帶兼施不特帑利一項該商等不應牽合藉口卽正雜課項亦何得以目前錢價偶賤稍有賠折爲詞希圖改易賣銀含混影射加價至一百數十萬兩伏思我

皇上惠愛黎元

恩施浩蕩獨漕免賦至四五次之多復發

入內府帑金爲小民賑貸之用者爲數又不啻萬萬豈肯因數十商人偶爾力有疲乏聽其將鹽價併增致令五省之民坐受食貴之累

聖諭煌煌昭如日月是該鹽政前次改賣銀兩之請斷不可行督

臣梁肯堂率據徵瑞一面之詞牽算附和山東撫臣畢沅日昨奏到猶以賣銀爲詞均屬袒庇惟是鹽筋爲小民日食之需亦須商力寬舒庶期轉運無誤現在蘆東商力稍疲自應量爲調劑以裕民食臣等詳查案卷蘆東鹽價自乾隆三十五年四十七年五十三年三次加價每斤已增至制錢六文現雖錢價過賤屢煩

睿慮指示籌辦近復特發帑金凡京師官員兵丁概准

賞借半年俸餉目下錢價已平卽謂市價隨時長落情形難以懸定然鹽價自三次加增之後其間不乏錢貴及豐稔之年而相沿至今曾未稍減若此時復議增添則將來歸還原價之說顯係有名無實早難逃

聖明洞鑒臣等連日欽遵

訓示將蘆東商人每年應交欵項數目詳晰稽查蘆東各商節

年請借帑銀除山東城工撥船經費二項係解山東之項毋庸牽算外其歷年請借帑項共七百七十餘萬兩商力旣爲稍疲倘懸宕無着所關匪細今酌擬於此項七百餘萬兩內將二百四十六萬六千餘兩停止交利仍令將本銀展限三年自戊午年爲始分限十年帶交歸欵其有原

定限完納者共四百六十一萬九千餘兩亦請展限三年
自戊午年爲始再行按照原限歸繳至其餘銀六十九萬
餘兩查宗人府太僕寺內務府每年經費之需向於帑利
內動支約需銀八萬二千餘兩自應留此耗餘以脩各項
撥用應請仍將此項銀兩交該商等照舊生息如此量爲
變通則商力得資寬裕

帑項不致久懸而於小民豪無加價之累仰副

聖主惠愛閭閻體恤無遺至意奉

旨依議欽此

山東鹽法志

卷十八 奏疏下

三

嘉慶二年八月巡鹽御史徵瑞奏稱蘆東南力微薄久在
聖明洞鑒之中數十年來凡有一錢利益於商者無不破格
恩施至優極渥惟因近年錢賤銀貴賠累過多遂致資本日就
消乏此本係無可如何辦理實無良策臣兩次

召見業將情形詳悉具奏荷蒙

聖主訓示加價究屬病民寧使損上以恤商艱不可爲商而累
百姓仰見

聖德如天無時無事不以愛民爲念此天下臣民同深欽佩者
今再四熟籌惟有欽遵

奏示辦理查蘆東歷年緩征課餉共銀五百三十一萬餘兩又
各款帑本帑利共銀一千一百五十七萬餘兩現今商力
支絀若令按限輸納加以現年應交之款每年竟有交至
三百餘萬至四百餘萬者爲數過多實難並納臣愚昧之
見應請將歷年緩徵課餉銀五百三十一萬餘兩於庚申
年起通行勻作十五年限帶交其本年應徵課銀並請於明
年奏銷之後起限分作三年帶徵至蘆東領借各帑歷年
已交過利銀一千三百五十餘萬兩今按款查核除經費
必需之款並應交各項銀兩仍照例交納外應請將利過

山東鹽法志

卷十八 奏疏下

聖

於本及加一倍利銀各款開列清單恭呈

御覽可否俯准豁免以紓商力之處出自

聖主逾格天恩臣專爲清理帑課起見實出萬不得已用敢據
實奏請部議該鹽政所請前項緩徵課餉銀五百三十一
萬餘兩分至十五年帶交年分過遲究非慎重帑項之道
應自庚申年起一律牽勻分作十二限帶交其本年應徵
課銀請於明年奏銷後起限分作三年帶徵之處應如所
請行其蘆東領借各帑內有利過於本三倍四倍者歷年

既久准予豁免至長蘆山東城工本銀從前奏明一本一

利之外再加七年利銀原奏本未平允應請於一本一利
照原限清還之後免其再加其餘各款細加核對名爲本
利同交而節年拖欠仍屬有名無實應請照五十九年原
議停利歸本例案令其止歸本銀將銀數牽勻入於緩徵
課餉十二限內一體完交以歸畫一

嘉慶五年正月巡鹽御史觀豫奏稱蘆東各商十數年來
因錢價虧折疲累難支雖經多方調劑未有起色嘉慶元
年前鹽臣方維甸請將六十年分課項緩徵并各商舊欠
帑課均勻分作二十五限交納部議惟准緩徵其所請展

限未曾議准嘉慶二年復經前鹽臣徵瑞奏請將利過於
本者查明豁免其餘舊欠銀六百九十三萬三千餘兩自
庚申年起按十五限完交經部議覆止准其分十二限交
納在案嘉慶二三年因尙未起限各商僅交本年錢糧及
經費必需各項外所得有餘可以專事營運幸無貽誤迨
至嘉慶四年春間錢價漸長銀價平減雖易銀一兩尙需
制錢一千數十文至一千一二百文不等未能全復舊價
然已較之數年來每兩需制錢一千三四百文者大相懸
殊合計蘆東商人嘉慶四年分以錢易銀約可多得銀數

十萬兩是以加交元年緩徵課銀二十三萬四千餘兩並
報効川楚餉銀二十四萬兩踴躍輸將並無遲緩本年奏
銷及年終交帑利等項銀兩亦皆從容完納臣留心體察
各商尙有餘力將次年應運鹽斤先行趕辦照依目前光
景辦運交課原可無誤惟蘆東商人資本止有此數自今
庚申年奏銷後又有起限應交舊欠帑課每年須加完銀
五十七萬七千餘兩以一年所入核算當年交課辦運之
資所餘無幾增此舊欠一項餘利不敷不得不動用運本
作爲交項一兩年之後不但辦運不繼口岸恐有淡食之
虞且營運不周獲利更少卽帑課亦虞缺誤顧此失彼勢
所必至卽將各商參革懲治亦於公事無補臣再四思維
往後應交舊欠若按十二限完納每年交項爲數稍多未
免力有不繼可否仰懇

天恩將原定分十二限完交之舊欠請仍於庚申年奏銷後起
分作二十四限完納如蒙

恩准則蘆東商人每年除應行完納帑課等項銀兩外止需再
添交舊欠銀二十八萬八千餘兩交項既輕運本卽可充

裕營運旣暢商力自不至再有疲累矣經部議奏奉

旨蘆東商人舊欠課餉帑本銀兩前經加恩准其分作十二限完繳茲據該鹽政奏請展至二十四限爲期太寬著照部議准其自本年奏銷後起分作十五限完交俾商力益臻寬裕等因欽此

嘉慶五年正月巡鹽御史觀豫奏稱蘆東每年奏銷限期向來俱於十月底題報嗣於乾隆三十二年欽奉

上諭長蘆引課每年十月內奏銷正值萊鹽銷售之時鹽價未及收齊而奏限已屆商力未能舒徐著將長蘆鹽課嗣後改至十一月底奏銷俾得從容交納以示體恤欽此歷年遵行在案伏

山東鹽法志

卷十八

奏疏下

巽

思

聖主勤求吏治凡有加惠商民之事悉皆執中定制以垂永久茲查山東鹽務情形與長蘆大概相同其奏銷限期仍在十月某鹽未銷之時五十七年前鹽臣穆騰額奏請山東奏銷照依長蘆每年改至十一月題報經部議覆止准一年竊思長蘆各商業已仰邀

寬典山東境壤毘連事同一轍可否一體改期於十一月奏銷比較原限稍遲一月而交課已在某鹽銷售以後即可免

設措借貸之累各商沾沐

天恩益無旣極矣部議山東鹽課請照長蘆之例改至十一月
題報核與原定限期僅遲一月尙屬可行應如所奏辦理
奉

旨依議欽此

嘉慶十一年四月巡鹽御史李如枚奏稱據山東運司崇
福詳稱山東商人每年請領額餘引五十五萬五百道按
年照額運銷自嘉慶八年黃水漫溢南橋雜口存鹽淹沒
十餘萬包遂致存鹽短少不敷銷售是以上年詳請奏領
餘引接濟在案本年各商領引告運行銷暢旺而引額有

山東鹽法志

卷十八

奏疏下

巽

定仍恐不敷接濟且引地離場多遠舟車疊更轉運需時
必需預爲籌備據商人楊樹基等稟請循例續領餘引五
萬五千道按照缺鹽數目的量分領趕運等情經該運司
查係實在情形詳請具奏前來臣伏查各省行鹽地方如
遇額餘引目不敷銷售例准續領餘引接濟山東前於乾
隆四十六年嘉慶十年均經奏請餘引有案可稽今據該
運司查明本年引鹽旺銷若不預請餘引恐民食未免缺
乏相應照例續請嘉慶十一年餘引五萬五千道給發南
運北運各商酌量分領如有餘剩照例繳銷以裕

國課而濟民食奉

硃批戶部知道欽此

嘉慶十一年十一月巡鹽御史李如枚奏稱竊照山東鹽務向分爲引票兩綱引商行銷歷城等六十六州縣衛額餘引目票商行銷章邱等三十九州縣額餘票引但票地附近灘場銷售多滯每年額票尙銷不及數其餘票八萬二千餘張例准儘銷儘報每年餘剩繳部多至二萬數千張及三萬餘張不等惟引地類皆暢銷每年額餘引目尙不敷配運若俟續請餘引則守候需時該商等因引地需

山東鹽法志

卷十八

奏疏下

吳

鹽援照長蘆通融代銷之例稟請餘票護鹽接濟民食由運司批准並不呈詳鹽政咨部與長蘆現行例案未能畫一臣伏查長蘆引地因有能銷不能銷之分於雍正元年經前鹽臣莽鵠立奏准滯銷各州縣正引准勻出三四分在於暢銷州縣代銷今山東引與票雖有分殊而票面印

有奉

旨票鹽改引之引字樣與鹽引同係部頒其鹽包斤重均係二百

二十五斤是名異而實則同所有不能銷之餘票與其每年繳銷戶部並不交課曷若仿照長蘆引目通融代銷之

例准令引商先儘餘票通融配運如左餘剩照例繳銷或有不敷再爲續請餘引如此酌劑既可接濟民食復可增交

國課實屬兩有裨益至應交課項票課每張徵銀二錢二分三釐零鹽引每道徵銀二錢四分五釐八絲但所通融究係餘票且屬額外多銷可否仍照票課完納以示體恤之處出自

皇上格外

天恩臣前赴東省盤庫時與撫臣長齡運司崇福詳細面商意

山東鹽法志

卷十八 奏疏下

吳

見相同理合據實奏請如蒙

允准所有引商通融餘票數目及應徵課銀應請入於商運票課案內奏銷其殘票截角繳銷以及督銷處分並請仿照長蘆例案辦理以歸畫一部議以引票綱地既各分疆界課則亦復多寡參差行銷地界既恐混淆且票課少而引課多以票抵引仍徵票課亦未免避重就輕該鹽政所奏引商通融餘票之處應毋庸議惟該省引地既係暢銷正餘鹽引每年不敷配運應令酌量奏請續增餘引四五萬道每年於領引之時一併領回存貯運庫以備給發如銷

不足數照例繳銷奉

旨依議欽此

嘉慶十二年七月巡鹽御史李如枚奏據運使崇福詳據
衆商稟稱乙丑年增領餘引三萬八千道引內錢糧可否
援照長蘆請增餘引之例一體免交雜項當據情咨部奉
部覆稱部中無例案可稽未便率覆應令確查實在情形
自行奏明辦理臣遵查山東鹽務本自疲乏近因該商等
踴躍急公暢銷始能於正額餘引外續請餘引如目前於
正課外復責令納交雜款衆商旣不得沾潤未免心存退
縮辦運滯滯恐致民食有缺查山東與長蘆事同一體蘆
商續請餘引旣不交雜項而東商亦未便獨令向隅若能
免交雜項就嘉慶十年分所領餘引核計較之額引課銀
雖少收銀四千餘兩而統計所收正項錢糧已加增九千
三百餘兩於

國課實有神益合無仰懇

鴻慈將續請餘引免交雜款等因奉

旨允准

山東鹽法志

卷十八 奏疏下

五

